

Akiliisarfik Ilanngaassivik pillugu Inatsisartut inatsisaat

Kapitali 1

Atuuffia nassuiaatillu

§ 1. Inatsisartut inatsisaanni matumani atuutilersinneqarput:

- 1) Pisortanit, sulisitsisunit aamma innuttaasunut tunniussisussaataasunit allanit tunniussinernik passussinissamut nuna tamakkerlugu periaasissaq.
- 2) Pisortanit aamma inissiaatileqatigiiffinit pisortanit pigineqartunit, akiligassiisutit aalajangersimasut, innuttaasunut pisortanut akilinngitsuukkanik akiitsulinnut pisussaaffigineqartumik aammalu innuttaasunut allanut nammineq kajumissutsimik ilanngutsissinnaasunut, akilersinnissaannut elektroniskimik akiliisarfik.

§ 2. Inatsisartut inatsisaanni matumani makkua imatut paasineqarput:

- 1) Ilanngaassivik: Sullissivik.gl-imi periaaseq innuttaasut isertitaannik il.il. akiliiviususaaq aammalu innuttaasunik aalajangersimasunik, isertitat il.il. tiguisussamut tunniunneqannginneranni, pisortanit akiligassiisutit akiliisitsisartoq.
- 2) Ilanngaassivik-nittartagaq: IT atorlugu iserfissiaq ataaseq arlallilluunniit, innuttaasut, akiligassiisut allallu isertitat, akileeqqusissutit, akiliutit nuussimasatik aamma akiligassiisutit pillugit paasissutissat takusinnaallugit.
- 3) Akiligassiisooq: Innuttaasumit aningaasanik akiliisitsinissamut Ilanngaassivimmik atuisinnaasoq.
- 4) Akiliisussaataasooq: Sulisitsisooq, pisortani oqartussaasoq imaluunniit illuatungiusooq alla, aningaasanik § 4-mi, § 5-imi imaluunniit § 4, imm. 3 naapertorlugu tamatumunnga maleruagassat aalajangersagaasuni pineqartunut ilaatinneqalersunik, tunniussisooq.
- 5) Akiligassiisut: Aningaasat piumasaqaatigineqartut.
- 6) Akileeqqusissut: Akiliilluni nuussinissaq pillugu akiligassiisumit Ilanngaassivimmik ilitersuisut.
- 7) Akiliilluni nuussineq: Iliuseq, akiliinissaq, nuussinissaq imaluunniit aningaasanik tigusinissaq siunertaralugu, akiliisup aamma akiligassiisup akornanni taassuma ataani pisussaaffusimasinnaasut eqqarsaatiginagit, akiliisumit imaluunniit akiligassiisumit aallartinneqartoq.
- 8) Ulloq akiligassanngorfia: Akileeqqusissutit matussusernissaanut aningaasat tiguneqarnissaannut siusinnerpaamik ullussarititaasoq.
- 9) Ulluinaq: Ulloq arfininngornerunngitsoq, sapaataanngitsoq imaluunniit nalliuttuunngitsoq.
- 10) Apparisaq: Inuit katissimasut, nalunaarsukkamik aappariittut, imaluunniit katissimasutut aappariittut minnerpaamillu ukiumi ataatsimi najugaqatigiissimasut.

Kapitali 2

Isertitanik il.il. tunniussineq

§ 3. Innuttaasunut Qitiusumi Inunnut nalunaarsuiffik pillugu peqqussut naapertorlugu inuup normulerneqarsimasunut aammalu Danmarkimi najugaqartut imaluunniit Kalaallit Nunaannit nuussimasutut nalunaarsorneqanngitsunut, isertitat ilaalu ilanngullugit §§ 4-mi aamma 5-imi pineqartut llanngaassivik aqqutigalugu tunniunneqartassapput, taamaattorli takuuk imm. 2.

Imm. 2. Imm. 1-imi aalajangersagaq innuttaasunut 18-it inorlugit ukiulinnut atuutinngilaq.

§ 4. Pisortani oqartussat, inuit aamma suliffeqarfiit innuttaasunut akiliinerit § 3-mi pineqartunut ilaasut makkua llanngaassivimmut akilertassavaat:

- 1) Aningaasarsiat imaluunniit akileraarutit A-t, soraarnerussutisiassanut akiliutit allallu piffissami sulinermut tunngasut akiligassat ilanngaatigereerlugit aningaasangorlugit aningaasarsiat allat assigisaat, ilanngullugit nerisaqarnermut ineqarnermullu, atortunut aamma sulisut peqatigiiffannut akiliut.
- 2) Ilinniagaqarnersiutit, ilinniagaqarnerup nalaani meeqqanut tapit assigisaalluunniit, Nunatta Karsianit kommuninilluunniit akilerneqarsimasut.
- 3) Aktiaatileqatigiiffimmit, piginneqatigiilluni ingerlatseqatigiiffimmit imaluunniit piginneqatigiiffimmit, Kalaallit Nunaanni angerlarsimaffeqartutut nalunaarsorsimasumit, iluanaarutit.
- 4) Siulersuisunut, ataatsimiititalianut, isumalioqatigiissitanut, siunnersuisooqatigiinnut assigisaannulluunniit, Kalaallit Nunaanni angerlarsimaffeqartunut, ilaasortaanermut imaluunniit ikiortaanermut, ajunngitsorsiassat.
- 5) Soraarnerussutisiaqarnissamut aningaasaateqarfinit imaluunniit inuunermut soraarnerussutisianullu sillimmasiisarfinit kiisalu tjenestemanditut pensionisianut aqqqissuussinernit soraarnerussutisiat aamma aningaasat tunniunneqartut il.il.
- 6) Aalisarnermut, piniarnermut aallaaniarnermillu tunisassianut tunngatillugu tunisat aningaasartaat.
- 7) Aningaasarsiat il.il., aningaasarsianit akileraarutit pillugit Inatsisartut inatsisaanni § 75, imm. 2 nr. 1 naapertorlugu isertitatut A-tut naatsorsuutigineqartut.

Imm. 2. Isertitat imm. 1-imi imaluunniit maleruagassat imm. 3 naapertorlugu aalajangersarneqartut pineqartunut ilaanersut, aammalu akiliisussaatitaasup llanngaassivik aqqutigalugu aningaasartanik akiliinissaa peqqusissutigineqassanersoq, nalornisoqartillugu Akileraartarnermut ingerlatsiviup aalajangiiffigisinnaavaa.

Imm. 3. Isertitat suut aammalu tunniunneqartut suussusaat, llanngaassivik aqqutigalugu innersuunneqartartussat pillugit maleruagassanik erseqqinnerusunik Naalakkarsuisut aalajangersaasinnaallutillu aalajangiisinnaapput. Naalakkarsuisut tamatuma saniatigut, sulisitsisut, soraarnerussutisiaqarnissamut aningaasaateqarfiit kiisalu inuunermut soraarnerussutisianullu sillimmasiisarfiit, nunanit allaneersut, ilanngullugit danskit aamma Savalimmiormiut, imm. 1, nr. 1 aamma nr. 5 malillugu isertitat llanngaassivimmut akilissanngikkaat, pillugu maleruagassanik aalajangersaasinnaapput, aalajangiisinnaallutillu.

§ 5. Namminersorlutik Oqartussat, kommunit kiisalu immikkoortortaasut aamma sullissiviit, ilanngullugit suliffeqarfiit imminnut ingerlattut, pisut § 4-mi taaneqartut saniatigut tunniunneqartussat allat tamaasa

innuttaasunut § 3-mi pineqartunut ilaasunut tunniuttassavaat.

Imm. 2. Suliffeqarfinnit, peqatigiiffinnit aningaasaateqarfinnilu innuttaasunut tunniunneqartussat Ilanngaassivik aqqutigalugu tunniunneqartassasut Naalakkersuisut aalajangersinnaavaat, suliaqarfup il.il.:

1) ingerlatsinera imaluunniit naatsorsuutini amigartoorutai kommuninit imaluunniit Namminersorlutik

Oqartussanit tapiissutinit imaluunniit inatsisit naapertorlugit tapersiinernit, akitsuutinit imaluunniit allatut isertitanit matussuserneqartarpata, imaluunniit

2) aningaasaatinut akiliutit il.il., suliffeqarfup il.il. ingerlatsinernut annertuumik pingaaruteqarsimappat, aningaasaatinut akiliutinik, tapiissutinik, taarsigassarsiarititanik, qularnaveeqqutinik imaluunniit kommuninit Namminersorlutik Oqartussanit imaluunniit sullissivimmit il.il. imm. 1-imi pineqartunut ilaasumit allatut tapersiissutinik pissarsisarpata.

§ 6. Tunniussisussaataasut tunniussinerit § 4-mi aamma § 5-amilu taaneqartut, innuttaasup aningaasat tigusussanngornissaannut kingusinnerpaamik ulluinnaat 2-innanngorneranni Ilanngaassivimmut nuussavaat, kiisalu paasissutissat pisariaqartut tamaasa nalunaarutigisassallugit, takuuk § 7.

Imm. 2. Tunniunneqartussat Ilanngaassivimmit suliarineqarsinnaassappata tunniunneqartut tamakkiisuussapput. Aningaasat nuunneqarpata aammalu paasissutissat akileraartarnermut ingerlatsivimmit innersuunneqartut malillugit § 7-imi allassimasut ilanngunneqarpata nuussineq naammassineqassaaq. Ilanngutassat tamakkernagit nuussineq akiliisussaataasumit uppersarsarneqassaaq.

§ 7. Ilanngaassivimmut akiliinerit tamarmik innuttaasup CPR-normuanut atatinneqassapput.

Imm. 2. Akiliinerit aamma akiliinerup suussusaa, kiisalu akiliineq sumut tunngassuteqarnerisooq pillugit paasissutissanik, akileraartarnermut ingerlatsiviup aalajangersagaannik, imaqassapput.

§ 8. Akiliutaasooq, imaluunniit akiliutaasup ilaa makkuninnga tunniussinerimi akiligassiissutinik akiliisitsinerimut atorneqaqqusaanngitsoq, akiliisussaataasut akiliinerminni allassavaat:

1) ullormusiassat aamma angalanermi ajunngitsorsiassat, ilanngullugit taakkua pillugit siumornerit.

2) aningaasartat akiliigallarnermut assigisaannullu ataattillugu innuttaasumut utertillugit akilerneqartussat.

3) Kommunalbestyrelsip aalajangiinera malillugu pisortanit ikiorsiissutit imaluunniit pensionimut tapit.

4) Peqqinnissaqarfimmit ullormusiat.

5) taarsiissutit il.il. Kalaallit Nunaanni Eqqartuussisarnermi inatsimmi § 620-mi ilaatinneqartut.

Imm. 2. Nalornissuteqartoqartillugu akiliineq imm. 1-imut imaluunniit malittarisassanut imm. 2 aamma 3 naapertorlugit atuutsinneqartunut ilaatinneqarnerisooq Akileraartarnermut Aqutsivimmit aalajangiivigineqarsinnaavoq aammalu akiliisussaataasooq aalajangersimasumik periuseq malillugu akileeqqusinnaallugu.

Imm. 3. Akiliinerinik allanik imm. 1-imi taaneqartunit allaanerusunik taasinissamut akiliisussaataasup periarfissaqarneranut maleruagassanik Naalakkersuisut aalajangersaasinnaapput. Aammattaaq akiliinerit imm. 1-imi taaneqartunut ilaatinneqartut pillugit maleruagassanik erseqqinnerusunik Naalakkersuisut aalajangersaasinnaapput, tassungalu ilanngullugu akiliinerit sorliit ilaatinneqarnissaannik killiliisinnaallutik.

Imm. 4. Naalakkersuisut maleruagassanik aalajangersaasinnaapput, taakku malillugit akiliinerit imm. 1-

imi imaluunniit imm. 3 naapertorlugu maleruagassiinermut ilaatinneqartut ingerlaannartumik akilernerqartussanngortinneqarsinnaallutik. Ingerlaannartumik akiliinermik oqarnermi pineqarpoq llanngaassivik teknikikkut ima naleqqussarneqassaaq immikkut eriagineqarnissaa pisariaqarpat akiliinerit ilaat akiliinernut allanut sanilliullugu innuttaasumut pilertornerusumik tunniunneqarsinnaallutik.

Imm. 5. Imm. 1 malillugu akiliinerit aammalu akiliinerit imm. 3 naapertorlugu maleruagassanut Naalakkersuisunit aalajangersarneqartunut ilaatinneqartut qanoq ingerlanneqarnissaat, tassungalu ilanngullugu paasisutissat suut nalunaarutiginnissaat aammalu akiliisussaatitaasut teknikikkut periutsit atugassat pillugit maleruagassanik Naalakkersuisut aalajangersaassapput.

Akiliisarfirmmut ilaatinneqartut

§ 9. Aatsaat Inatsisartut inatsisaanni matumani aalajangersakkat malillugit akiligassiissutit akilersinneqarsinnaapput:

- 1) innuttaasooq llanngaassivimmut ilanngunniarluni nalunaarsimappat, imaluunniit
- 2) akileraartarnermut ingerlatsivik imm. 2 malillugu aalajangiisimappat.

Imm. 2. Tunngavissarititaasut matuma kinguliani allassimasut ilaat ataaseq naammassineqarsimappat, innuttaasooq akiligassanik akiliisitsisarnermi pineqartunut ilaalissasooq, Akileraartarnermut ingerlatsivik aalajangiisinnaavoq:

- 1) Innuttaasooq pisortanut il.il. akiitsoqarpoq.
- 2) Innuttaasooq ukiut 5-it kingulliit iluanni minnerpaamik 3-nik akiligassinneqarsimappat, tassani akiligassiisup akiligassiissut pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaat malillugu akileraartarnermut ingerlatsivimmi akilersinniarnissaannut tunniussimallugu.

Imm. 3. Imm. 2 malillugu aalajangiinnginnermi, akileraartarnermut ingerlatsiviup innuttaasooq, minnerpaamik sapaatit akunnerinik 3-nik piffissaliilluni, aalajangiinissamut eqqarsaatigineqartumut akerliliissuteqarnissamut periarfississavaa. Akileraartarnermut ingerlatsivik akerliliisummik tigusaqarsimangippat, innuttaasooq piffissamut killiliussap erseqqinnerusumik oqaatigineqartup iluani, akiliisitsisarnermi pineqartunut ilaatinneqalissaaq. Piumasaqaateqarnerup atuunnerannut akerliliissuteqarnerit tunngavilersukkat innuttaasup tungaaniit uppernarsarneqarpata, akerliliissuteqarnerit kinguartitsinermik sunniuteqassapput.

Imm. 4. Innuttaasup akiitsut piffissamut killiliussap imm. 3-mi taaneqartup naannginnerani akilerpagit, innuttaasooq imm. 2, nr. 1 malillugu akiitsunik akilinngitsuugaqanngitsutut isigineqassaaq.

Imm. 5. Innuttaasup akiliisitsisarfirmmi pineqartunut ilaasooq, akileraartarnermut ingerlatsivimmut qinnuteqarluni akiligassanik akilersitsisarnerit nalunaarsorsimajunnaarsissinnaavai:

- 1) innuttaasup qinnuteqarnerup nalaani imm. 2-mi tunngavissarititaasut naammassisimangippagit,
- 2) piffissaq qinnuteqarfusooq sioqqullugu kingusinnerpaamik ukiup kingulliup iluani imm. 2-imi tunngavissarititaasut naammassisimangippagit, aamma
- 3) aalajangersakkami imm. 2 naapertorlugu pineqartoq akiliisitsisarfirmmi pineqartunut ilaasooq, Akileraartarnermut ingerlatsivik ukiut kingulliit marluk iluanni aalajangiisimangippat.

Imm. 6. Akileeqqusissutit ulloq suna aallarnerfigalugu llanngaassivik aqqutigalugu akilersinneqartalissanersut aamma akilersinneqartarunnaassanersut, Akileraartarnermut ingerlatsivik akiligassiisumut nalunaaruteqassaaq.

Imm. 7. Akileraartarnermut ingerlatsivik aalajangiinissaq siunertaralugu, akiitsunut akilinngitsuukkanut, CPR-inut aamma akileraartarnermut nalunaarsuiffiit il.il. ataatsimoortillugit ingerlatissavaat.

Imm. 8. Aalajangersagaq manna malillugu aalajangiinernut maleruagassanik Naalakkersuisut aalajangersaasinnaapput, ilanngullugit naammagittaalliornissamut piffissamut killissaliussat aammalu imm. 5 malillugu qinnuteqaat elektroniskingorlugu imaluunniit immersugassami aalajangersimasumi tunniunneqassasoq.

Akiligassiisutit ilanngutsinneqarsinnaasut

§ 10. Akiligassat piffissaq akiliiffissaq eqqortoq kingulleq akilerneqanngitsut akileqquneqarlugit ilanngunneqarsinnaanngillat, taamaattorli takuuk § 26.

Imm. 2. Kommunit aamma akiligassiisut isumaqatiginninniarfigereernerisigut, Naalakkersuisut akiligassiisut sorliit llanngaassivik aqputigalugu akiligassiinnaaneri kiisalu akiligassat qanoq ittut llanngaassivik aqputigalugu akiligassiisutigneqartarnissaat pillugit malittarisassat aalajangissavaat, kisiannili tak. imm. 3.

Imm. 3. Ingerlatseqatigiiffiit makkua akiligassiisutit llanngaassivik aqputigalugu akilersinneqartussatut ilanngutissagaat pillugu maleruagassanik Naalakkersuisut aalajangersaasinnaapput:

- 1) INI A/S.
- 2) Iserit A/S.
- 3) Piginneqatigiiffiit inissianik attartortitsisartut tamakkiisumik ilaannakortumilluunniit pisortanit pigineqartut.

Kapitali 3

Akiliinerit aamma aningaasat atorsinnaasat

§ 11. llanngassivimmit innuttaasunut akiliisarfirmi pineqartunut ilaasunut tunniussinnginnermi § 9, imm. 1-2 naapertorlugu akileraarutit, akitsuutit aamma akiligassiinerit allat, llanngaassivimmut ilanngutsinneqarsimasut akilersinneqassapput.

Aningaasat atorsinnaasat

§ 12. Inuk kisimiittoq qaammammut 4.000 koruuninik ikinnerusunik aningaasanik atorsinnaasaanik tunniussivigineqarneranik kinguneqartumik, Inatsisartut inatsisaat manna malillugu aningaasanik akiliisitsisoqarsinnaanngilaq. Aappariinnut aningaasat atorsinnaasat qaammammut inummut 3.000 koruuniupput. Aappariit aappaa adressedi allami ataavartumik najugaqarpat, aappariit kisimiittutut isigineqassapput.

Imm. 2. Innuttaasunut, ilinniagaqarnersiutinik tiguisartunut, aningaasat atorsinnaasat qaammammut 2.500 koruuniupput, taamaattorli takuuk imm. 3-6.

Imm. 3. Meeqqanut angerlarsimaffimmi najugaqartunut ataasiakkaanut 18-it inorlugit ukiulinnut inoqutigiinniittunut tamarmiusunut aningaasat atorsinnaasat qaammammut 1.600 koruuninik qaffanneqassapput, taamaattorli takuuk § 13.

Imm. 4. Inuit innarluutilinnut tapinik assigisaannillu peqqissutsimut tunngatillugu ikiorsiisutininik

tigusaqartartut, tapit aningaasartaasa annertoqataannik aningaasat atorsinnaasat nalingannik qaffaavigineqassasut, kommunalbestyrelsi aalajangiisinnaavoq.

Imm. 5. Kommunalbestyrelsi maleruagassat Naalakkersuisunit aalajangersarneqartut malillugit atorsinnaasat aningaasartaasa allanngortinneqarnissaat pillugu aalajangiissaaq.

Imm. 6. Naalakkersuisut maleruagassanik erseqqinnerusunik aamma aningaasat atorsinnaasat annertussusissaannik ilaatigut aalajangersaasinnaapput, tassunga ilanngullugu aningaasat atorsinnaasat pisut ilaanni qaffasinninngortillugit aalajangersarneqarsinnaanerannut kiisalu tamatumunnga tunngavissat suut isiginiarneqarnissaannut aalajangersaasinnaallutik. Taamaattorli Naalakkersuisut maleruagassanik, aningaasat atorsinnaasat imm. 1-3 malillugit annertussusissanit appasinnerulernerannik malitseqartumik, aalajangersaasinnaangillat. Naalakkersuisut tamatuma saniatigut aningaasat atorsinnaasat naatsorsorneqartarnerat pillugu maleruagassanik aalajangersaasinnaapput. Kommunalbestyrelsip aalajangiineri qanoq llanngaassivimmi nalunaarsorneqarsinnaaneratt pillugu maleruagassanik Naalakkersuisut aalajangersaasinnaapput.

Imm. 7. Naalakkersuisut ilanngullugu aalajangersarsinnaavaat, aningaasat atorsinnaasat aalajangersarneqartut saniatigut, Inatsisartut inatsisaat manna malillugu akiliisitsisoqassanngippat, innuttaasup isertitaasa ilaanik aalajangersakkamik minnerusumik akissaateqarneranik nassataqartumik.

§ 13. Aningaasat atorsinnaasat qaffanneqartut § 12, imm. 3-mi taaneqartut angajoqqaatut oqartussaasumut, taakkua meeqqap najugaqarfīgisaani nalunaarsorsimappata, taakkununnga tutsinneqassapput. Angajoqqaatut oqartussaasut marluullutik meeraq najugaqatigippassuk, aningaasat atorsinnaasat qaffanneqartut angajoqqaanut tamarmiusunut immikkut 50 procentimik agguarneqassapput. Angajoqqaatut oqartussaasup aappaata meeraq najugaqatiginngippagu, aningaasat atorsinnaasat qaffanneqartut angajoqqaatut oqartussaasumut, meeqqap najugaqatigisaanut, tutsinneqassapput.

Imm. 2. Oqartussanit meeraq paaqqutarineqartussatut inissinneqarsimappat, aningaasat atorsinnaasat qaffanneqartut meeqqamik paaqqutarinnittumut imaluunniit paaqqutarinnittunut, tutsinneqassapput.

Imm. 3. Meeraq ulloq unnuarlu paaqqinniffimmi inissinneqarsimappat, aningaasat atorsinnaasat qaffanneqartut atorunnaassapput.

Imm. 4. Aningaasat atorsinnaasat qaffanneqartut tamakkerlutik imaluunniit ilaat angajoqqaap aappaanut agguarneqassasut, angajoqqaap aappaata akileraartarnermut ingerlatsivimmut qinnutigisinaavaa. Qinnuteqaat akileraartarnermut ingerlatsiviup innersuussutigisaatut tunniunneqassaaq.

§ 14. Aningaasat atorsinnaasat tamakkerlugit imaluunniit ilai aapparmut nuutinneqassasut aapparisaq akileraartarnermut ingerlatsivimmut qinnuteqaatigisinaavaa. Qinnuteqaat akileraartarnermut ingerlatsiviup innersuussutigisaatut ingerlanneqassaaq.

Imm. 2. Aapparisaq aappaa akiligassanik akiliisitsiniarnermi ilaanngippat, Kommunalbestyrelsip aalajangersinnaavaa, taanna aningaasanik atorsinnaasaqassasoq, aappariit aningaasat atorsinnaasaasa nalinganut.

§ 15. § 12, imm. 1-3-mi aningaasat atorsinnaasat, ukiut tamaasa januaarip aallaqqaataani procenti aaqqiissutissaq procenti aaqqiissutissaq pillugu Inatsisartut inatsisaat malillugu

Naatsorsueqqissaartarfimmit naatsorsorneqartoq aamma maannakkut isertitat tunngavigalugit iluarsineqartassapput.

§ 16. Innuttaasoq kommunimit aningaasaqarnikkut aqunneqartussanngortinneqarsimappat, Ilaangaassivimmit tunniussinerit aningaaserivimmi kontumut kommunip innersuussutaanut ingerlatinneqarsinnaapput.

Imm. 2. Kommunalbestyrelsi imm. 1-imi taaneqartunik pisoqartillugu paasissutissanik innuttaasoq pineqartoq pillugu Ilangassivimmi nalunaarsorneqarsimasunik tamaginnik pissarsisinnaavoq.

Kapitali 4

Nalunaarneq, akiliisarneq aamma peerneqartarnera

§ 17. Pisassat akileeqqusissuteqarluni Ilangaassivimmut nalunaarutigineqassapput.

Imm. 2. Akileeqqusissut ulluinarmi Ilangaassiviup akileeqqusissummik tigusiffiani, tiguneqartutut isigineqassaaq. Akileeqqusissutit arfininngornermi, sapaammi imaluunniit nalliuttuni tiguneqartut, ulluinarmi tullermi qaninnerpaami tiguneqartutut isigineqassapput.

Imm. 3. Akileeqqusissut, akileeqqusissutip tiguneqarnerata kingorna qaammatisiutit malillugit ullut 10-t qaangiunneranni akiligassanngussaaq.

§ 18. Akileeqqusissut ullup akiligassanngorfata kingorna kingusinnerpaamik qaammatit 3-ata naanerani Ilangaassivimmit peerneqassaaq, taamaattorli takuuk imm. 3.

Imm. 2. Ulloq piffissaaq eqqorlugu akiliiffissaaq kingulleq tassaavoq qaammammi imm. 1-imi taaneqartumi ulluinnaq kingulleq.

Imm. 3. Akiligassat makkua pillugit akileeqqusissutit ullup akiligassanngornerisa kingorna qaammatisiutit malillugit ullut 30-t qaangiunneranni peerneqassapput:

- 1) Innuttaasunut inuussutissarsiornermik ingerlataqartunut innaallagissamik, imermik kiassarnermillu pilersuineq.
- 2) Nunaminertanik inuussutissarsiornermut atugassatut aattartortitsineq.
- 3) Inuussutissarsiornermit eqqagassanik eqqaaneq.

Imm. 4. Inuit akileeqqusissummik piffissaaq eqqorlugu akiliisimangitsut, akiliinissamut piffissaliussanit imm. 1-imi aamma 3-mi allassimasunit sivikinnerusumik akiliinissamik piffissalerlugit akileraartarnermut ingerlatsiviup pisussaaffilersinnaavai.

§ 19. Innuttaasup pisassarisat tamanna sioqqullugu akilersimappagit, akileeqqusissut akiligassiisup nalunaarutigisinnaanngilaa.

§ 20. Akileeqqusissut taamaallaat ilaannakortumik matussuserneqarpat, sinneruttoq kingusinnerusukkut akilersinneqartussatut uninngassaaq, taamaattorli takuuk § 18, imm. 1-4-mi piffissamut killissaliussat.

§ 21. Innuttaasut arlallit pisassarisanut ataatsinut akiliisussaappata, akiligassiisup akileeqqusissut innuttaasunut tamarmiusunut akiligassap ilaa akiliisussaaffiat allallugu llanngaassivimmu ilanngutsissinnaavaa.

Imm. 2. Naalakkersuisut akiligassiisup akiligassiisutinin arlalinnik akiliisussaartunik akiliisitsinissamut llanngaassivimmik atuinnissaa pillugu maleruagassanik aalajangersaasinnaapput, ilanngullugu akiliisussat tamarmik § 9 malillugu llanngaassivik aqqutigalugu akiligassanik akiliisitsisarnermi pineqartunut ilaatinagit, akiligassiisutit akilersinneqarnissaat.

Akileeqqusissutinut atugassarititaasut

§ 22. Akileeqqusissutinik ilanngutsitsilluni nalunaaruteqarnermi akiligassiisup innuttaasut akiliisussaataasut CPR-normui allassavai.

Imm. 2. Akiligassiisup akileeqqusissutinik nalunaarutiginninneranut, kiisalu paasissutissat suut akiligassiisup akiliisitsinissamut nalunaarutiginninnermini allasanerai il.il. pillugit piumasaqaatinik erseqqinnerusunik Akileraartarnermut ingerlatsivik aalajangersaassapput.

Imm. 3. Akiligassiisut llanngaassivimmik atuinerannut aammalu akileeqqusissutit imarisassaannut suleriaasissat ilitsersuissutillu erseqqinnerusut Akileraartarnermut ingerlatsiviup aalajangersassavai.

Imm. 4. Imm. 2-3 malillugu atugassarititaasuni allannguutit, atuutilernissaat minnerpaamik qaammatit 3-t sioqqullugit ilimasaarutigineqassapput.

Kapitali 5

Akiliinerit tulleriinneri

§ 23. Akileeqqusissutit akiligassanngortut §§ 24-26-mi pingaarnersiunermi tulleriinnilersuinissaq aalajangersarneqartoq malillugu assigiinngitsumik pingaarnersiuiiffigineqarsimappata, akileeqqusissut pingaarnersiunermi qaffasinnerutinneqartoq, akileeqqusissutinit pingaarnersiunermi appasinnerutinneqartumit, siulliullugu akilersinneqassaaq.

Imm. 2. §§ 24-26 naapertorlugit akileeqqusissutit arlallit assigiimmik pingaarnersiunermi inissisimatinneqartut akiligassanngorsimallutik uninngappata, kisianni § 18-imi killissaliussat qaangerneqarsimanatik, akileeqqusissut siulliulluni tiguneqartoq, akileeqqusissutinit kingusinnerusukku tiguneqartunit, siulliullugu akilerneqassaaq.

§ 24. Allat tamaasa sioqqullugit aningaasarsianit akileraarutit pillugit Inatsisartut inatsisaat aamma akileraartarnermik ingerlatsineq pillugu Inatsisartut inatsisaat, naapertorlugit isertitanit akileraaruteqaataasussanik akileraarutaagallartut akilerneqassapput, ilanngullugit akileraarutinut tapissanut akiligassat ilanngunneqartut, takuuk akileraartarnermik ingerlatsineq pillugu Inatsisartut inatsisaanni § 13, imm. 8.

§ 25. Akileeqqusissutit § 24-mi pineqartut kingorna akileeqqusissutit tiguneqartut akiligassanngortullu imatut tulleriinnilersuineq malillugu akilerneqassapput:

1) Ineqarnermut akiliutip aamma ilinniartut inaannik attartornermut akiliutip akilerneqarnissaanik piumasaqaat. Aammattaaq akiligassalimmit imm. 1-imut atatillugu akileqquneqartut, tassungalu

ilanngullugit inissiamut attartortittakkamut siumoortumik akilersuutitut akileqquneqartut aammalu inissiami attartortittakkami innaallagissamut, imermut kiassarnermullu akileqquneqartut ilaatinneqarput.

- 2) Innaallagissamik, imermik kiassarnermillu pilersuineritut akiliinissamik piunasaqaat.
- 3) Inuussutissarsiutigalugu piniarnermut allagartap akilerneqarnissaanik piunasaqaat.
- 4) Ulluunerani paaqqinnittarfimmi inissamik akiliinissamut piunasaqaat.
- 5) Eqqaavilerineritut anartarfilerinerimullu akiliinissamik piunasaqaat.
- 6) Meeqqanut akilersuutitut siumoortumik tunniunneqartut pillugit piunasaqaat.
- 7) Ilinniagaqarnersiutitut pillugit Inatsisaat malillugu ilinniarnermi taarsigassarsiat utertillugit akilerneqarnissaat pillugu piunasaqaat.
- 8) Kommunitit sullissineritut allanut akiliinissamik piunasaqaat.
- 9) Akileraarutinut akitsuutinullu piunasaqaatit allat, tassunga ilanngullugit akileraarutinut tapissanut akiligassat, akiliisitsissutinik, akiliutinik, eqqunngitsumik nammineerluni nalunaarsuisimanerup imaluunniit nalunaarsuisimanninnerup malitsigisaanik akileraartarnermut tapiliussanik akileeqqusissutinik piunasaqaat.
- 10) Namminersorlutik Oqartussanit, kommuninit taakkualu ataanni sullissivinnit piunasaqaatit allat, ilanngullugit suliffeqarfiit imminut ingerlatsitat aammalu suliffeqarfiit § 10, imm. 3 naapertorlugu maleruagassani aalajangersarneqartuni ilaatinneqartut.
- 11) Ineqarnermut akiliutip, pingaartumik pineqartup inuussutissarsiummik ingerlatsineranut tunngassuteqartup, akilerneqarnissaanut piunasaqaatit.
- 12) Innaallagissamik, imermik kiassarnermillu pilersuineritut pingaartumik pineqartup inuussutissarsiummik ingerlatsineranut tunngassuteqartunut akiliinissamik piunasaqaatit.
- 13) Kommunip sullissineritut, pingaartumik pineqartup inuussutissarsiummik ingerlatsineranut tunngassuteqartunut, akiliinissamik piunasaqaatit allat, ilanngullugit akuersissutinut il.il. akiliutit.
- 14) Namminersorlutik Oqartussanit aamma taassuma ataanni sullissivinnit, pingaartumik pineqartup inuussutissarsiummik ingerlatsineranut tunngassuteqartunik, akiliinissamik piunasaqaateqarnerit allat.
Imm. 2. Naalakkersuisut tulleriinnilersuinerup imm. 1-imi aalajangersarneqartup iluani, maleruagassanik erseqqinnerusunik tulleriinnilersuineritut tapertaasinnaasunik, aalajangersaasinnaapput.

§ 26. Akileeqqusissutit § 25-mi pineqartunut ilaasut kingornatigut matuma kinguliani tulleriinnilersuineq malillugu akiliisoqassaaq:

- 1) Akiitsut naafferartumik akilersornissaat pillugu isumaqatigiissutit, qitiusumi akiliisitsiniarnermut oqartussaasunut isumaqatigiissutaasut.
- 2) Akiitut akilersornissaat pillugu isumaqatigiissutit akiligassiisunut isumaqatigiissutaasut.

Kapitali 6

Inuussutissarsiortunut namminersortunut maleruagassat immikkut ittut il.il.

§ 27. Inatsisartut inatsisaanni matumani §§ 28-30-mut innuttaasut ilaapput:

- 1) Isertitani, §§ 4-5-imi ilaangittuni isertitamik annerpaartaanik tiguisartut.
- 2) Isertitani §§ 4-5-imi ilaasuni annertunngitsumik isertitaqartartut, tamannalu siunissami taamaattussatut ilimagineqartoq.
- 3) Kalaallit Nunaannit nuussimasutut ilimagineqartut.

4) Kalaallit Nunaannit nuussimasutut nalunaarsorneqarsimasut, imaluunniit Kalaallit Nunaanni najugaqarunnaarsimasut.

Imm. 2. Akileraartarnermut ingerlatsivik aalajangiissaaq, innuttaasoq qaqaqukkut imm. 1-imut ilaassanersoq, kiisalu aalajangersarlugu, tamanna qaqugumit atuutilissanersoq.

Imm. 3. Imm. 1-2-mi aalajangersakkat naapertorlugit aalajangiinernut atugassatut Akileraartarnermut ingerlatsivik akileraartarnermik nalunaarsuivinni, CPR-imut nalunaarsuiffimmi aamma isertitat atuuttut pillugit nalunaarsuivinni paasissutissanik pisariaqartunik pissarsisinnaavoq.

Imm. 4. Imm. 1-2-mi aalajangersakkat naapertorlugit Akileraartarnermut ingerlatsiviup aalajangernera, aalajangiinertut ittoq, illuatungerisaq tusarniaavigeqqaarnagu pisinnaavoq. Akileraartarnermut ingerlatsiviup innuttaasoq aalajangerneq pillugu ilisimatissavaa.

Imm. 5. Innuttaasoq qaqaqukkut imm. 1-imut ilaaneranut tunngaviit suut atuutissanersut pillugit Naalakkersuisut maleruagassanik, matuma ataani isertitat assigiinngitsut naatsorsorneqarneranut aamma isertitassatut naatsorsuutigisat pillugi malittarisassanik erseqqinnerusunik aalajangersaasinnaapput.

§ 28. Akileraartarnermut ingerlatsivik § 27 malillugu aalajangiisimappat, §§ 12-imi, 13-imi, 17, imm. 3-mi aamma 18-imi aalajangersakkanut pineqartunut atuutissanngillat.

Imm. 2. Akileraartarnermut ingerlatsivik § 27 malillugu aalajangiisimappat, llanngaassivik, akileeqqusissutit tiguneqartut aallaavigalugit akiligassiisummik ataatsimoortumik qaammatit tamaasa nassiussisassaaq.

Imm. 3. Akiliinissamut piffissamut killiliussaq qaammatisiutit malillugit ullunik 28-nik sivirususeqarpoq aammalu ulloq llanngaassiviup akiligassiisummik nassiussivia aallarnerfigalugu naatsorsorneqassalluni. Piffissamut killiliussaq arfininngornermi, sapaammi imaluunniit nalliuttumi naappat, piffissamut killiliussaq ulluinnarmut tullermut sivitsorneqassaaq.

§ 29. §§ 24-26-mi aalajangersakkat taamaaqataanik § 28, imm. 1 malillugu akiliutinut, § 28 malillugu akiligassiinermi akilerneqartunut, atuutissapput.

§ 30. § 28, imm. 3-mi akiliinissamut piffissamut killiliussat qaangerneqarpata, akileeqqusissutit il.il. akilerneqanngitsut imaluunniit ilaannakortumik akilerneqartut, akiliisitsiniarfusussanngussapput.

Kapitali 7

llanngaassivimmit tunniussinerit aamma paasissutissanik pissarsisinnaaneq

§ 31. Aningaasat llanngaassivik aqquutigalugu tunniunneqartut akiliisussaataasup kontumut allassimasaanut imaluunniit aningaaserivimmi kontomut pisortani oqartussaasut ikisiffiginnaasaannut ikineqassapput.

§ 32. Innuttaasup llanngaassiviup nittartagaa aqquutigalugu sukulluunniit akileeqqusissutitut innuttaasumut pineqartumut ilanngutsinneqarsimasunut takussutissiaq, takusinnaavaa.

Imm. 2. Innuttaasoq minnerpaamik qaammammut 1-eriarluni allakkatigut akileeqqusissutitut naatsorsukkanik tigusisinnaatitaavoq.

Imm. 3. Innuttaasoq llanngaassivimmi paasissutissanik qanoq ililluni pissarsisassanersoq, kiisalu

allakkatigut nassiusseqqinnermi tamatumunnga akiliitsisoqartassanersoq, pillugit Naalackersuisut maleruagassanik erseqqinnerusunik aalajangersaasinnaavoq. Elektroniskimik nassiusseqqinneq akeqanngilaq.

Kapitali 8

Paasissutissanik aamma kisitsisitigut paasissutissanik paarlaasseqatigiinneq

§ 33. Akiligassiisoq innuttaasoq akuersiteqqaarnagu akiliutissap nuunneqarnerata piviusunngortinneqarnissaanut atugassatut llanngaassivimmuut paasissutissanik tunniussisinnavaoq. Paasissutissat inummut tunngassuteqarlutik mianernarsinnaapput.

Imm. 2. Kommunalbestyrelsi tamanna pisariaqarpat innuttaasoq akuersiteqqaarnagu, innuttaasunut isertitanik ikiorsiissutinillu tunniussinissamut atugassanik, ilanngullugit innuttaasut pillugit paasissutissat § 12 malillugu aningaasanut atorsinnaasanut qaffaavigineqarsimasut imaluunniit qaffaavigineqarsimanngitsut pillugit, kiisalu innuttaasut aningaasartuutimik aalajangersimasut akilernissaannut kommunimit ikiorserneqartartut pillugit, llanngaassivimmuut paasissutissanik isertuussassanik ingerlatitseqqissinnaavoq, ilanngullugit paasissutissat inummut tunngasut.

Kisitsisitigut paasissutissat

§ 34. Akileraartarnermut ingerlatsiviup kisitsisitigut paasissutissat Naalackersuisut qinnutigisaat, aammalu suliaasaqarfinni immikkuullarissuni ineriartorneq pillugu paasissutissanik itisiliissutaasussanik pissarsiariniagaat, tunniutissavai.

Kapitali 9

Oqartussaasumut tunngasut

§ 35. Akileraartarnermut ingerlatsiviup Inatsisartut inatsisaanni allaffissornikkut aqutsineq isumagissavaa.

Imm. 2. Akileeqqusissut, erseqqissumik eqqunngitsutut isikkoqartoq, ilanngullugit akileeqqusissutit kukkunillit imaluunniit teknikkikkut piumasaqaatinik naammassinninngitsut, Akileraartarnermut ingerlatsiviup tigujumanngissinnaavai. Akileraartarnermut ingerlatsiviup pisariaqanngitsumik kinguarsaanani akileeqqusissutit tigujumaneqanngitsut pillugit akiligassiisoq nalunaarfigissavaa.

Imm. 3. Akileraartarnermut ingerlatsiviup akileeqqusissutit akiligassiisumit nassiuunneqartut annertuumik imaluunniit uteqqittartumik kukkuneqartut imaluunniit amigaateqartut paasiguniuk, akileraartarnermut ingerlatsiviup Naalackersuisut aamma akiligassiisup ilisimatinneqarnerannut peqatigitillugu akiligassiisumit akileeqqusissut tigujumanagu aalajangersinnaavoq.

Imm. 4. Akiligassiisup pissutsit imm. 3 naapertorlugu aalajangiinerup malitsigisai iluarsippagit, aammalu allatigut akiligassiisup siunissami suleriaatsit atuuttut malissinnaagai ilimanaateqarpat, akileraartarnermut ingerlatsiviup llanngaassivik aqutigalugu innersuunneqartussatut akileeqqusissummik tiguisarnini aallarteqqissinnaavaa.

§ 36. Kommunit innuttaasunut Ilangaassiviup atorneqarnera pillugu siunnersuissapput ikiutissallutillu.
Imm. 2. Akileraartarnermut ingerlatsivik kommuninut ilitsersuinissamut najoqqutassanik naleqquttunik atugassiissaaq.

§ 37. Naalackersuisut Ilangaassiviup ingerlanneqarnera pillugu piffissamut ukiut 10-t angullugit isumaqatigiissuteqarnissamut piginnaatitaapput. Ingerlatsineranut isumaqatigiissummi Ilangaassivimmi teknikkikkut periaatsimik pissarsinissaaq pineqartunut ilaasinnaavoq. Ingerlatsineranut isumaqatigiissummi aammattaaq innuttaasunik sullissineq aamma akiliutissanik nuussinerit piviusunngortinnissaat il.il. pineqartunut ilaasinnaapput.

Imm. 2. Periaatsimut akisussaasumik ataatsimik arlalinnilluunniit akiliisarnernut tunniussisarnernilluunniit, kiisalu akiliutt ingerlateqqinnerannik suliaqartussamik, Naalackersuisut toqqaassapput. Periaatsimut akisussaasutut pisortani oqartussaasoq imaluunniit suliffeqarfik namminersortoq toqqarneqarsinnaapput.

Imm. 3. Periaatsimut akisussaasuusup ingerlataanut, tassungalu ilanngullugu periaatsimut akisussaasuusup ingerlatai naammagittaalliorsinnaanerlu pillugit maleruagassanik Naalackersuisut aalajangersaassapput.

§ 38. Ilangaassivik akileraartarnermut ingerlatsiviup imaluunniit periaatsimut akisussaasup kukkuneru imaluunniit sumiginnaanera pissutaalluni, Inatsisartut inatsisaanni pisussaaffiit naammassinninngippat imaluunniit pisussaaffimminik kingusissukkut imaluunniit amigartumik naammassinnippat, Namminersorlutik Oqartussat innuttaasumut taarsiinissamut akisussaasuupput, taamaattorli takukkit imm. 2 aamma 3.

Imm. 2. Pisoq akiliisussaataasup imaluunniit innuttaasup nipangiussineranik, iliuuseqannginneranik, piaaraluni imaluunniit mianersuaalliorujussuarluni iliuuseqarneranik pissuteqarpat, imm. 1 naapertorlugu taarsiinissamut akisussaaffik, annikillisinnaavoq imaluunniit atorunnaarsinnaalluni.

Imm. 3. Akileraartarnermut ingerlatsiviup pissutsit pisumut pissutaasut sillimaffigisimasinnaasimangippagit imaluunniit paasereersimasariaqarsimangippagit aammalu pisut akiorniarsinnaasimangippagit, imm. 1 apeqqutaatinnagu, soorlu nalunaarasuartaateqarnermi qamittoortoqarpat, IT-mi qamittoortoqarpat, innaallagissamik pilersuineq unittoorpat, suliumajunnaartoqarpat, sulisitsiumajunnaartoqarpat, mattussisoqarpat imaluunniit pinngortitami ajunaarnersuaqarpat, kinguaattoornernut imaluunniit annaasaqarnernut, avataaniit pisunit pissuteqartunut, Namminersorlutik Oqartussat akisussaasuussangillat.

§ 39. Akileraartarnermut ingerlatsivimmi sulisut Kalaallit Nunaanni pinerluttulerineranut inatsimmi §§ 50-53 malillugit akisussaatinneqarlutik, inuit imaluunniit pisinnaatitaallutillu pisussaataasut aningaasaqarnikkut, inuussutissarsiornikkut imaluunniit inuttut inuunerannut tunngasut, sulinerminni paasisatik, pillugit paasissutissanut tunngatillugu susassaqqanngitsunut piumasaqaatitaqanngitsumik nipangiussimasussaataaertik mianersuutissavaat. Pisussaaffik aamma ikiortinut sulianut ilisimasalinnut kiisalu kikkunnulluunniit allanut pisortanut isumaqatigiissuteqarnertik malillugu sulinerminni pissutsinik taamaattunik ilisimannilersunut, atuuppoq. Pisortani oqartussaasunut imaluunniit suliffeqarfimmut isumaqatigiissuteqartoqarsimappat, pisussaaffik tamarmiusunut, oqartussaasumi

imaluunniit suliffeqarfimmi sulinerminni pissutsit matuma siuliani taaneqartut pillugit paasisaqtunut, atuuppoq.

Akileeqqusissutitut akerliliisarnert

§ 40. Pisassarisaq akileeqquneqarluni llanngaassivimmi ilanngunneqarsimagaluartuq akilersinniarneqaraluartorlu, innuttaasup akiligassiisup tungaanut pisinnaatitaaffini tamaasa piginnaatitaaffiinnassavai, ilanngullugit pisassarisaq eqqortuuneranut akerliliinissamut periarfissani nalinginnaasut.

Imm. 2. Akerliliissutit akiligassiisumut nassiunneqassapput.

Naammagittaalliuutit il.il. suliarinissaannik akiligassiisup pisussaaffi

§ 41. Akiligassiisup paasippagu akileeqqusissut nalunaarutigineqartuq eqqunngitsumik nalunaarutigineqarsimasuq, imaluunniit pisassarisaq atuunera imaluunniit annertussusaa pissutissaqartumik nalornissutaasinnaappat, akiligassiisup ingerlaannaq akileeqqusissutit ilanngaassivimmit tunuarnissaanut imaluunniit akiliutaasup utertinnissaanut, pisussaaffeqarpoq.

Imm. 2. Ilanngaassivik aqputigalugu innutaasooq tunngavissaqanngitsumik akiliisinnegarsimappat, akiligassiisup pissutsinik paasitinnegarnernani qaammatisiutit malillugit ullut 14-it piffissamut killissaliunneqartut iluanni akiligassiisup ilanngaassivik aqputigalugu innuttaasumut aningaasat annertunaarlugit akilersitani, utertissavai.

Imm. 3. Aningaasat piffissamut killiliussamit aalajangersarneqartumi imm. 2-mi allassimasumit kingusinnerusukku utertinneqarpata, utertillugit akiliinissamut piffissamut killiliussamit qaammatisip aallartinneri tamaasa ernialiuusaaq 0,5 procentinik annertussuseqartuq, qaammammut akilerneqassaaq. Ernialiuusaaq akiligassiisumit akilerneqassaaq.

§ 42. Akileraartarnermut ingerlatsiviup ilanngaassiviup ingerlanneqarnera pillugu suliasat suliarissavai.

Imm. 2. Akileraartarnermut ingerlatsivik akileeqqusissutit pillugit aalajangiisinnaanngilaq, ilanngullugit immikkoortortat pisassarisaasa atuunnerat imaluunniit aningaasartaasa annertussusaaq il.il., pillugit. Akileraartarnermut ingerlatsiviup innuttaasut akileeqqusissut pillugu apeqqutaat imaluunniit naammagittaalliuutaat oqartussaasumut imaluunniit suliffeqarfimmut akileeqqusissuteqarsimasumut, innersuuttassavai.

Imm. 3. Akileraartarnermut ingerlatsivik naliliiguni innuttaasooq ikiorneqarnissamik immikkut ittumik pisariaqartitsisoq, Akileraartarnermut ingerlatsiviup ataasiakkaatigut naliliinini malillugu oqartussaasooq imaluunniit suliffeqarfik akileeqqusissuteqartuq attaveqarfisinnaavaa.

Imm. 4. Imm. 1 naapertorlugu akileraartarnermut ingerlatsiviup aalajangernerit pillugit naammagittaalliuut, akileraartarnermut ingerlatsiviup aalajangernerminik nalunaaruteqarnerata kingorna kingusinnerpaamik sapaatit akunneri 4-t qaangiuppata tunniunneqassaaq.

§ 43. Akiligassiisut akileeqqusissummut nalunaarutigineqartumut aningaasaliinermut tapiissummik akiligassinneqartassapput. Tapiissutit annertussusaa akiligassiisutiginereralu pillugit malittarisassat Naalakkersuisunit aalajangersarneqassapput.

Imm. 2. Malittarisassat allat Naalackersuisut aalajangersagaat malillugit immikkut ikiorsiissutitut tapiissutit akiligassiisoqarsinnaavoq, akiligassiisunut tunniunneqartunik.

Kapitali 10

Pineqaatissiissutit

§ 44. Kalaallit Nunaannut pinerluttulerinermut inatsimmi maleruagassat malillugit akiliisussanngortinneqarluni pineqaatissinneqarsinnaavoq piaaraluni imaluunniit mianersuaalliorujussuarluni:

- 1) Ilanngaassivik aqutigalugu innuttaasumut isertitanik § 4, imm. 1-imi pineqartunut ilaasunik akiliinngitsoq.
- 2) Inatsisartut inatsisaanni matumani § 4, imm. 2 malillugu peqqusissummik malinninngitsoq.
- 3) § 8, imm. 2 malillugu peqqusissummik malinninngitsoq.

Imm. 2. Aalajangersakkat unioqqutinneqarnerat Kalaallit Nunaanni pinerluttulerinermut inatsit malillugu akiliisitsinissaq pineqaatissiissutaasinnaasoq, aalajangersakkani Inatsisartut inatsisaat manna naapertorlugu aalajangersagaasuni, aalajangerneqarsinnaavoq.

Imm. 3. Inatsisartut inatsisaat imaluunniit Inatsisartut inatsisaat naapertorlugu peqqussutini akiliisitsinissamik aalajangersaanissaq tunngavissinneqarsimappat, Kalaallit Nunaanni Pinerluttulerinermut inatsimmi maleruagassat malillugit inatsisitigut pisinnaatitaasoq pisussaataasorlu akiliinissamik peqquneqarsinnaavoq.

Imm. 4. Imm. 1-3 malillugit suliaasat Kalaallit Nunaanni Eqqartuussivimmi siullertut suliarinnittussami, suliakkiunneqassapput.

Imm. 5. Akiliisitsinerit, imm. 1-3 malillugit aalajangersarneqartut, Nunap karsianut tutsinneqassapput.

Kapitali 11

Atuutilernera

§ 45. Naalackersuisut Inatsisartut inatsisaata atuutilernissaanut piffissaq nalunaarummi aalajangersassavaat. Naalackersuisut ilanngullugu Inatsisartut inatsisaata ilai piffissani assigiinngitsuni atuutilissasut, aalajangersaasinnaapput.

Imm. 2. Naalackersuisut misiligutaasumik suliniuteqarnermut ilaatillugu nalunaarut aqutigalugu inatsisip kommunip ataatsip arlallilluunniit sumiiffannut atuutilernissaa aalajangersinnaavaat, misiligutaasumik suliniutip ingerlanneqarnissaanut allannguutit pisariaqartut ilanngullugit.

Namminersorlutik Oqartussat, ulloq 28. november 2019

Kim Kielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut